



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Otho III. ait à Ioanne Diacono confictum Edictum. Quis fuerit ille
Ioannes, ex sententia Freheri & Card. Baronij. Probabile est hoc Edictum
objectum Carolo Calvo. Expenduntur verba Othonis de ...

urn:nbn:de:hbz:466:1-15591

*temporali hoc intelligeretur. qua potestatis voce in eam rem quoque utitur Edictum. Deinde Carolus componitur cum Constantino, in beneficiis collatis. quod ad injuriam Caroli pertineret, si Constantinus aliquot patrimoniorum largitione tantum defunctus esse dicatur. Kelata est etiam hac donatio in Collectione Isidori. quæ Collectio tempore Caroli Magni publicata est. Ejus quoque disertissime mentionem facit Hincmarus in epistola qua. Karlomanni Regis institutionem describit anno octingentesimo octuagesimo secundo: *Constantinus Magnus Imperator Christianus effectus, propter amorem & honorem sanctorum Apostolorum Petri & Pauli, sedem suam, urbem scilicet Romanam, Papa Silvestro edito privilegi tradidit, & sedem suam in civitate sua, que antea Byzantium vocabatur, nominis sui civitatem ampliando edificavit.* Ado Viennensis, qui eodem seculo scripsit quo Hincmarus, id est, desinente nongentesimo, hujus quoque Constantini Edicti meminit; quemadmodum Luitprandus Cremonensis eò respexit in legatione ad Nicephorum.*

V. Otho III. in diplomate suo edito circa annum millesimum, à Ioanne Diacono confitum putat, iis verbis quæ suprà retuli. Anonymus scriptor, fīe Marquardus Freherus, in Notis suis ad diploma Othonis, existimat hunc Ioannem Diaconum, eum esse qui vitam sancti Gregorij scripsit, Caroli Calvi ærate. Ill. Card. Baronius refert Othonis verba ad Ioannem quandam Cardinalem, à Ioanne XII. abscissis duobus digitis, naso, & lingua deformatum. Quæ opinio nititur ancipi illa lectione quæ in codice Baronii cognomentum huic Ioanni Diacono tribuit *Digitorum mutus*, id est, ut ille interpretatur, truncati & mutili, è recenti voce Italica *Mozzo*. Cùm autem locus ille planè mutilus sit, nihil certi ex eo colligi potest. In codice enim Freheri legitur, *Digitorum mutus*; & ad oram libri, *munitus*. Quæcumque autem lectio consti- tuatur, certum est, si aliquis Ioannes Diaconus auctor sit hujus commentitij Edicti, eum omnino alium esse à duobus illis Diaconis quos recensui, cùm formula ista privilegij longè sit illis antiquior. Fortasse Ioanni Subdiacono, qui erat unus è Legatis Pauli Papæ, non absurdè tribui poterit. Vel si ad Ioannem Diaconum alterum referatur; transcriptisse potius in membranas aureis li- teris, ut Caroli Calvi liberalitatem provoca- caret, quā de novo finxit dicendus est. Sanè cùm jura omnia quæ Regibus reliqua erant Carolus remiserit, ut docuit Eutropius; & Ioannes VIII. scribat eum *omne jus*

pote statis antiquitus attributum Ecclesiæ Romanae capituloiter renovasse, hanc donationem tunc Carolo objectam videtur respe- xisse. Quidquid sit de nomine auctoris, satis constat de origine hujus commenti. Vnde refelli potest quod ab Othoni III. affingi- tur Pontificibus; eos, postquam Ecclesiæ suæ bona profligassent, Imperij provincias ad se traxisse, commentitiis Constantini & Caroli Calvi donationibus. Quæ expostu- latio omnino aliena est à veritate rei. Nul- lus enim Pontificum Imperij jura invasit, quæ illis à Pippino, Carolo, & Ludovico collata sunt; et si Otho has liberalitates dissimulet. Quinimo nullus illorum redi- tus suos dilapidavit; eo præcipue tempo- re quo donatio ista emerit in lucem. Tunc enim de acquirendo rerum dominio veris Principiū largitionibus, non autem de usurpando, cogitabant. Sed narrationem illam arte quadam concinnatam oportuit, ut tot provincias à Regibus Francorum collatas, & ab Othoni avo suo confirmatas, per injuriam Otho III. abduceret, relicti tantum octo Comitatibus specie liberalita- tis, quam in gratiam Silvestri II. magistri quondam sui, & his alienationibus conni- ventis, exerceret. Ceterū Nicolaus pri- mus, Anastasius Bibliothecarius, & alij anti- qui scriptores à mentione hujus donatio- nis abstinuerunt: quia cùm Regum Francie privilegia illis sufficerent, noblebant Edicto commentitio niti.

C A P V T X I I I .

Synopsis.

I. *De dispensationibus agendum, quibus juri canonicō derogatur. Quo sensu usurpetur vox illa apud Iureconsultos, & in sacris scripturis. In jure canoni- co sumitur pro venia legis. A Græciis manavit hec dispensationis significatio, qui eam vocant οἰκονομία. cuius vocis usus varijs. Varia quoque dispensationis no- mina.*

II. *Discrimen veterum dispensationum & recentiorum. Ille post canones infraclitos, iste ne infringan- tur concessa. Indulgentia criminis & pœna canonica Clericis & laicis aliquando concedebatur. Clericis apud Eulogium, pro penitentia & communionis bene- ficio post lapsum, quod Innocentius misericordia no- mine expressit.*

III. *Remissio pœnae canonice ad arbitrium Epi- scopi, erga Clericos vel laicos, qui aliquando ob pœna durissimam ad paganos deficiebant. Differentia in eo ca- pite Episcoporum & iudicium, è Photio.*

IV. *Clericis & Episcopis per vitium ordinatis, vel heretica communione infectis, venia etiam daba- tur; sed à synodis tantum; aut à Summo Pontifice. De Clericis Arrianorum communionem amplexis ref- ponsum Athanasij.*

Y ij